

Salko Zildžić  
Husein Topčagić  
Mujo Hasić

PARLAMENT FEDERACIJE  
SARAJEVO

Primljeno: 07-03-2022			
Org. jed.	Broj	Priloga	Vrijednost
01-	02-	526	/22

**BOSNA I HERCEGOVINA**  
**FEDERACIJA BOSNE I HERCEGOVINE**  
**PARLAMENT FEDERACIJE BOSNE I HERCEGOVINE**  
**ZASTUPNIČKI DOM PARLAMENTA FEDERACIJE BOSNE I HERCEGOVINE**

**n.r. Mirsad Zaimović, predsjedavajući**

**n.r. Ivan Miličević, tajnik**

Predmet: Prijedlog Zakona o dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata ("Službene novine Federacije BiH", br. 44/02, 57/09 i 105/21) – skraćeni postupak, dostavlja se

Poštovani,


na osnovu članka 172. Poslovnika o radu Zastupničkog doma Parlamenta Federacije Bosne i Hercegovine, dostavljam Vam, na razmatranje i usvajanje Prijedlog Zakona o dopuni Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata. Uzevši u obzir činjenicu da se radi o dopuni jednog članka Zakona, ističemo da se ne radi o složenom i obimnom Zakonu, te cijenimo da su, u tom smislu, ispunjeni uvjeti da se Prijedlog Zakona pretresa po skraćenom postupku bez nacрта Zakona.

S poštovanjem,

**Salko Zildžić**

**Husein Topčagić**

**Mujo Hasić**



**Zakon o dopunama Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata ("Službene novine FBiH", br. 44/02, 57/09 i 105/21)**

**Članak 1.**

U Zakonu o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata ("Službene novine FBiH", br. 44/02, 57/09 i 105/21) u članku 3. iza stava (4) dodaje se novi stav (5) koji glasi:

*„Odredbe stavova 3. i 4. ovog članka neće se primijenjivati na hidroakumulacijske objekte čija je primarna namjena opskrba vodom stanovništva i industrije.“*

**Članak 2.**

Ovaj zakon stupa na snagu osmog dana od dana objave u Službenim novinama Federacije BiH.

**O B R A Z L O Ž E N J E**

**I USTAVNOPRAVNI I ZAKONSKI OSNOV**

Ustavnopravni osnov za donošenje Zakona o dopunama Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata ("Službene novine FBiH" br. 44/02, 57/09 i 105/21) sadržan je u odredbi članka III. 2. toč. c) i i), a u vezi sa odredbama članka III. 3. st. (1) i (3) Ustava Federacije Bosne i Hercegovine. Naime, odredbom članka III. 2. toč. c) i i) propisano je da su federalna vlast i kantoni nadležni za politiku zaštite čovjekovog okoliša i korištenje prirodnih resursa, dok je odredbama članka III. 3. st. (1) i (3) propisano da federalna vlast ima pravo utvrđivati politiku i donositi zakone koji se tiču ovih oblasti.

**II RAZLOZI ZA DONOŠENJE ZAKONA**

Vlada Tuzlanskog kantona je svojim aktom broj: 02-/1-02-1216-3/22 od 26.01.2022. godine dostavila Vladi Federacije BiH (Vlada FBiH) i Federalnom ministarstvu poljoprivrede, vodoprivrede i šumarstva (FMPVŠ) Zaključak broj: 02-/1-02-1216/22 usvojen na sjednici Vlade TK održanoj 25.01.2022. godine, koji se odnosi na dalje aktivnosti u cilju sprečavanja negativnih učinaka na stanovništvo i industriju Tuzlanskog kantona, a u vezi sa posljedicama usvajanja Zakona o izmjenama i dopunama Zakona o izdvajanju i usmjeravanju dijela prihoda društva ostvarenog korištenjem hidroakumulacijskih objekata ("Službene novine FBiH" broj 105/21).

Naime, Dom Naroda Parlamenta Federacije BiH je 09.12.2021. godine usvojio Zakon o izmjenama i dopunama Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata koji je objavljen 29.12.2021. godine („Službene novine Federacije BiH“ broj 105/21) i stupio na snagu osmog dana od dana objave. Osnovni tekst Zakona o izdvajanju i usmjeravanju dijela prihoda poduzeća ostvarenog korištenjem hidroakumulacijskih objekata ("Službene novine FBiH" br. 44/02, 57/09 i 105/21) (u daljem tekstu: Zakon) je dopunjen na način da je propisano da se godišnji iznos naknade za korištenje hidroakumulacijskih objekata izgrađenih na potopljenom području „ne može biti manji od



1.500 KM po jednom hektaru (ha) hidroakumulacijom potopljene površine“ (bez obzira na ostvarene prihode).

Napominjemo da je Vlada FBiH na svojoj sjednici od 12.11.2021. godine dala mišljenje da prijedlog navedenih izmjena koje je Parlament Federacije BiH usvojio „nije prihvatljiv“ zbog činjenice „da takva trajna novčana naknada nije vezana za količinu proizvedene električne energije i sticanja prihoda i da je to u suprotnosti sa prirodom i intencijom samog Zakona“. Dodatno Vlada FBiH je utvrdila da je u posljednje vrijeme od strane zastupnika u Parlamentu FBiH pokrenuto više inicijativa za izmjene i dopune ovog Zakona različitih intencija. O nekim inicijativama se očitovao i FMPVŠ sa ciljem ukazivanja potrebe usklađivanja ovog zakona sa Zakonom o vodama FBiH. Vlada FBiH je ocijenila da bi se trebalo pristupiti donošenju novog zakona koji bi objedinio sve inicijative i uskladio različite resorne federalne propise kojima se tretiraju prihodi ostvareni korištenjem hidroakumulacijskih objekata.

Federalnom ministarstvu poljoprivrede, vodoprivrede i šumarstva obratilo se Javno poduzeće za vodoprivrednu djelatnost d.d. Spreča, kao operater hidroakumulacije „Modrac“ sa zahtjevom broj: 030-02-99-159/22 od 21.01.2022. godine za pokretanja postupka dopune predmetnog Zakona.

Naime, Javno poduzeće za vodoprivrednu djelatnost d.d. Spreča, kao operater hidroakumulacije „Modrac“, u obavezi je obračunati i plaćati navedenu naknadu. Uzimajući u obzir da je površina akumulacije „Modrac“ pri razini normalnog uspora (200 m.n.m) po digitalnom modelu geodetsko-hidrografskog snimanja akumulacije (ne po podacima iz katastra/grunta) iznosi 1.664,67 ha, ova naknada, primjenom propisanih odredbi prema ovom obračunu, na godišnjoj razini umjesto dosadašnjih 308.907,00 KM iznosila bi paušalno 2.497.005,00 KM, neovisno o količini isporučene vode ili proizvedene električne energije.

U svrhu izmirivanja svih zakonski propisanih naknada, cijene vode koje se isporučuju potrošačima za potrebe vodoopskrbe stanovništva i industrije iz akumulacije „Modrac“ morale bi se enormno povećati, što bi predstavljalo veliki finansijski udar kako na građane, tako i rad industrijskog sektora.

Naprijed navedeno, posebno je potrebno posmatrati sa aspekta odredbi Zakona o vodama („Službene novine Federacije BiH“ broj 70/06) i to:

- članka 3. opća načela., gdje stavkom 2. točka 5. istog članka propisuje ekonomsko vrednovanje vode, te
- članka 47. stavkom 2. propisuje da korištenje vode za opskrbu stanovništva vodom za piće ima prednost u odnosu na korištenje vode za ostale namjene.

Količina zahvaćene i isporučene vode za potrebe vodoopskrbe stanovništva i industrije iznosi 25.376.200,0 m<sup>3</sup>, a količina u iznosu od 3.799.000,0 m<sup>3</sup> je iskorištena za proizvodnju električne energije, odakle je jasno vidljivo da je osnovna namjena akumulacija opskrba vodom stanovništva i industrije.

Uzimajući u obzir sve naprijed navedeno, a s ciljem sprečavanja negativnih posljedica po stanovništvo i industriju na području Tuzlanskog kantona, kao i u drugim dijelovima Federacije BiH koji bi se mogli suočiti sa istim problemom, potrebno je izvršiti dopune Zakona, kojima bi se ovaj problem rješio na način da se iz odredbe stava 3. člana 3. izuzmu hidroakumulacije koje imaju prvenstvenu namjenu za opskrbu vodom stanovništva i industrije.

### **III OBRAZLOŽENJE PRAVNIH RJEŠENJA**

Člankom 1. predlaže se izmjena odredbe sadašnjeg članka 3. Zakona na način da se iza stavka 4. dodaje novi stavak 5. koji glasi:

*„Odredbe stavova 3. i 4. ovog članka neće se primijenjivati na hidroakumulacijske objekte čija je primarna namjena opskrba vodom stanovništva i industrije.“*

Polazeći od samog predmeta Zakona, a to je utvrđivanje visine i načina izdvajanja i usmjeravanja dijela prihoda poduzeća ostvarenog korištenjem hidroakumulacionih objekata izgrađenih na potopljenim područjima u svrhu proizvodnje električne energije i pitke i industrijske vode, jasno je da se za potrebe opskrbe vodom stanovništva i industrije naknade trebaju vršiti isključivo prema utrošenom (isporučenom) kubnom metru vode, a ne prema površini potopljenog zemljišta kako je to navedeno u stavku 3. članka 3. nedavno usvojenih dopuna Zakona. Zbog toga se iz odredbi stavka 3. članka 3. Zakona trebaju izuzeti hidroakumulacije koje imaju primarnu namjenu za opskrbom vodom stanovništva i industrije.

Predloženim izmjenama korigirala bi se dosadašnja obaveza da se, neovisno o količini isporučene vode, plaćaju značajne naknade dijela prihoda poduzeća ostvarenog korištenjem hidroakumulacionih objekata izgrađenih na potopljenim područjima, te nameću nerealno visoke cijene vode za stanovništvo i industriju.

Člankom 2. predviđeno je da ovaj zakon stupa na snagu osmog dana od dana objavljivanja u Službenim novinama Federacije BiH.

### **IV FINACIJSKA SREDSTVA**

Za provedbu ovog Zakona nije potrebno osigurati dodatna financijska sredstva u Budžetu Federacije Bosne i Hercegovine.

### **V NAČIN IZVRŠENJA**

Ovim dopunama Zakona nije predviđeno donošenje podzakonskih propisa.